

UNIVERZITET U TUZLI
UPRAVNI ODBOR
Broj: 04-6005-1-7/24
Tuzla, 25.10.2024. godine

Na osnovu člana 51. tačka s) Zakona o visokom obrazovanju-prečišćeni tekst („Službene novine Tuzlanskog kantona“, broj: 21/21, 22/21, 5/22, 11/22 i 16/22), člana 50. stav (1) tačka e) Statuta JU Univerzitet u Tuzli – Prečišćeni tekst, a u vezi sa članom 17. Zakona o javnim nabavkama („Službeni glasnik BiH“, broj: 39/14, 59/22 i 50/24), na prijedlog Rektorice Univerziteta, Upravni odbor Univerziteta u Tuzli, na sjednici održanoj 25.10.2024. godine, donio je

ODLUKU
o izmjenama i dopunama Odluke o usvajanju Privremenog plana nabavki
Univerziteta u Tuzli za 2025. godinu

I

U tački I Odluke o usvajanju Privremenog plana nabavki Univerziteta u Tuzli za 2025. godinu broj: 04-3850-1-3/24 od 10.07.2024. godine, vrše se izmjene i dopune koje su prikazane u tabelarnom pregledu koji je sastavni dio ove Odluke.

II

Ukupan zbir u tabeli i kolona 5. (Vlastiti prihodi) i kolona 7. (Ukupno) mijenja se i glasi: 1.026.200,00 (kolona 5) i 1.075.700,00 (kolona 7).

III

U ostalom dijelu Odluka o usvajanju Privremenog plana nabavki Univerziteta u Tuzli za 2025. godinu, ostaje nepromijenjena.

Obrazloženje

Prorektor za naučno-istraživački rad, po ovlaštenju Rektorice Univerziteta u Tuzli je dostavio Upravnom odboru Prijedlog broj: 01-5988-1/24 od 22.10.2024. godine, kojim je predložio izmjene i dopune Odluke o usvajanju Privremenog plana nabavki Univerziteta u Tuzli za 2025. godinu. U obrazloženju prijedloga navodi se da je Prorektor za osiguranje kvaliteta i internu evaluaciju dostavio obrazloženje u vezi odražavanja platforme eUniversity, tačnije da je obaveza prodavca po zaključenom ugovoru istekla, te da je neophodno radi daljeg funkcionisanja iste obezbjediti redovno mjesečno održavanje. Obzirom da se bliži kraj budžetske godine, a platformu je potrebno kontinuirano održavati, u skladu sa dostavljenom ponudom izvršena je dopuna Privremenog Plana nabavki za 2025. godinu u iznosu od 24.000,00 KM bez PDV (12 mjeseci x 2.000,00 KM).

Obzirom na dosadašnja iskustva u toku realizacije određenih nabavki u ovoj godini, utvrđeno je da za određene stavke koje su planirane u Privremenom Planu nabavki za 2025. godinu treba izvršiti izmjenu i dopunu Plana nabavki, prije samog pokretanja nabavki, kako slijedi:

-pod rednim brojem 19 „Usluge iznajmljivanja kopir aparata“ planirana sredstva u iznosu od 2.000,00 KM bez PDV-a. Obzirom da su kopir aparati i printeri na Univerzitetu prilično stari, dotrajali, da se ne isplati popravka istih, bilo je neophodno da se iznajme četiri kopir aparata (na Fakultetu elektrotehnike, Medicinskom fakultetu, Filozofskom i Fakultetu za tjelesni odgoj i sport) i jedan printer (na Katedri za anatomiju na Medicinskom fakultetu). Postoji mogućnost da se u toku godine ukaže potreba za još dodatnim iznajmljivanjem nekih od uređaja. Planirana sredstva za ovu vrstu usluga neće biti dovoljna za 2025 godinu te je na navedenoj stavci povećan iznos na 6.000,00 KM bez PDV-a iz vlastitih sredstava i izvršena izmjena naziva nabavke u naziv „Usluge iznajmljivanja kopir aparata i printera“

-pod rednim brojem 28. „Usluge servisiranja klima uređaja u objektima Univerziteta u Tuzli za period do 31.12.2025.godine“ vodeći se dosadašnjim iskustvom i prethodnim izmjenama Plana nabavki u 2024.godini, izvršeno je povećanje iznosa na 15.000,00 KM bez PDV-a iz vlastitih sredstava i

izvršena izmjena vrste postupka u Konkurentski zahtjev jer predloženi iznos ulazi u prag Konkurentskog zahtjeva;

-pod rednim brojem 29. „Pregled i servisiranje vatrodojavne centrale za period do 31.12.2025.godine“ povećan je iznos na 6.000,00 KM bez PDV-a iz vlastitih sredstava jer je u toku nabavka vatrodojavne centrale za potrebe Arhive u Kampusu, koju će takođe trebati redovno pregledati i servisirati.

-pod rednim brojem 41 „Usluge štampanih medija“ povećan je iznos na 20.000,00 KM bez PDV-a iz vlastitih sredstava u skladu sa dosadašnjim iskustvom i realizacijom ove nabavke u toku 2024.godine.

-na ekonomskom kodu 6139 je izvršena dopuna Privremenog plana nabavki za 2025.godinu i dodata nova stavka pod nazivom „Usluge dojavnog centra sa monitoringom, intervencijom i održavanjem“ u iznosi od 6.000,00 KM bez PDV-a iz vlastitih sredstava.

Rektorica Univerziteta je prihvatila prijedloge i Upravnom odboru predložila izmjene i dopune kao u dispozitivu ove Odluke.

Na sjednici od 25.10.2024. godine, Upravni odbor je razmotrio Prijedlog i obrazloženja izvjestilaca, iste prihvatio i donio Odluku kao u dispozitivu.

DOSTAVLJENO:

1x Rektorica

1x Direktor za ekonomske poslove

1x Odjeljenje javnih nabavki

1x Ured za međuuniverzitetsku saradnju


1x Ured za osig. Kval. i internu evaluaciju

1x Evidencija Upravnog odbora

PREDSJEDNIK

UPRAVNOG ODBORA

Dr. sc. Semir Ahmetbegović, vanr.prof.



U tabeli Privremenog plana nabavki za 2025. godinu **odaju se nove nabavke** pod rednim brojevima 51. i 52. i glase:

R. br.	Fakultet/ org. jedinica	Ekon. kod	Predmet javne nabavke	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6)	Vrsta postupka	Okvirni sporazum	Podjela na LOTove	Okvirni datum pokret.nabavke	JRJN	Napomena
1	2	3	4	5	6	7	8	9	10	11	12	13
51	UNIV	6139	Usluge održavanja platforme eUniversity	24.000,00		24.000,00	Pregovarački postupak bez objave obavještenja	Ne	Ne	01.11. 24.	72267000-4	
52	UNIV	6139	Usluge dojavnog centra sa monitoringom, intervencijom i održavanjem sistema	6.000,00		6.000,00	Direktni sporazum	Ne	Ne	01.12. 24.	79711000-1	

U tabeli Privremenog Plana nabavki za 2025. godinu **mijenjaju se nabavke** pod rednim brojevima: 19., 28., 29. i 41., i glase:

R. br.	Fakultet/ org. jedinica	Ekon. kod	Predmet javne nabavke	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6)	Vrsta postupka	Okvirni sporazum	Podjela na LOTove	Okvirni datum pokret.nabavke	JRJN	Napomena
1	2	3	4	5	6	7	8	9	10	11	12	13
19	UNIV	6136	Usluge iznajmljivanja kopir aparata i printera	6.000,00		6.000,00	Direktni sporazum	Ne	Ne	01.12. 24.	98390000-3	
28	UNIV	6137	Usluge servisiranja klima uređaja u objektima Univerziteta u Tuzli za period do 31.12.2025. godine	15.000,00		15.000,00	Konkurentski i zahtjev	Ne	Ne	01.11. 24.	50730000-1	
29	UNIV	6137	Pregled i servisiranje vatrodajvne centrale za period do 31.12.2025. godine	6.000,00		6.000,00	Direktni sporazum	Ne	Ne	01.11. 24.	50411000-9	
41	UNIV	6139	Usluge štampanih medija	20.000,00		20.000,00	Konkurentski i zahtjev	Ne	Ne	01.12. 24.	92040000-5	